



Broj: 06-04-20-3869-4/22
Datum: 24.08.2022. godine

Na osnovu čl. 69. stav (2) tačka d) i 70. st. 1., 2., 4. i 6. Zakona o javnim nabavkama („Službeni glasnik BiH“, broj 39/14), te člana 42. Statuta Općine Maglaj („Službene novine općine Maglaj“, broj 8/07, 3/08 i 6/08), na preporuku Komisije za javne nabavke, broj 06-04-20-3869-3/22 od 23.08.2022. godine, u postupku javne nabavke „Nabavka i isporuka peleta“, Općinski načelnik donosi

ODLUKU o poništenju postupka javne nabavke

I

Poništava se postupak javne nabavke „Nabavka i isporuka peleta“, konkurentski zahtjev za dostavu ponuda, objavljen na Portalu javnih nabavki, obavještenje o nabavci broj 1140-7-1-88-3-36/22 od 12.08.2022. godine, iz razloga što nijedna od primljenih ponuda nije prihvatljiva.

II

Ova odluka dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

III

Ova odluka ima se objaviti na web stranici Općine Maglaj, u skladu sa članom 70. stav (6) Zakona o javnim nabavkama.

IV

Za realizaciju ove odluke zadužuje se Služba Općinskog načelnika i Općinskog vijeća.

Obrazloženje

Odlukom o pokretanju postupka, broj 06-04-20-3869-1/22 od 05.08.2022. godine, Općina Maglaj pokrenula je predmetni postupak putem konkurentskog zahtjeva za dostavu ponuda. Procijenjena vrijednost nabavke bila je 18.551,53 KM, bez PDV-a. U skladu sa Zakonom i podzakonskim propisima, postupak je objavljen na Portalu javnih nabavki, obavještenje o nabavci broj 1140-7-1-88-3-36/22 od 12.08.2022. godine. Kriterij za dodjelu ugovora bila je najniža cijena.

Postupak je provela Komisija za javne nabavke, imenovana Odlukom broj 05-45-1-1069/22 od 19.05.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav 5. i 65. stav 2. Zakona o javnim nabavkama.

U predmetnom postupku, blagovremeno je zaprimljena jedna ponuda, ponuđača „EURO STIL“ d.o.o. Doboje. Neblagovremenih ponuda nije bilo. Komisija je zaprimljenu ponudu

ocijenila neprihvatljivom, kako je konstatovano u Zapisniku o pregledu i ocjeni ponuda. Ponuda je odbačena iz razloga što ponuđač izvještaj o ispitivanju ponudenog peleta, što je traženo tenderskom dokumentacijom kao dokaz o ispunjavanju uslova tehničke i profesionalne sposobnosti, konkretno uslova da ponudeni pelet odgovara zahtjevima ugovornog organa iz tenderske dokumentacije (tehnička specifikacija).

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke.

Imajući u vidu sve naprijed navedeno, a s obzirom da je primljena ponuda odbačena kao neprihvatljiva, primjenom člana 69. stav (2) tačka d) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema odluke.

Obrađivač:

Ramiza Šišić

DOSTAVLJENO:

1. Ponuđač – putem maila
2. Služba ON i OV
3. a/a



OPĆINSKI NAČELNIK
Mirsad Mahmutagić